

01 NOV, 2021

Bukti kerajaan giat sedia pendidikan berkualiti

Berita Harian, Malaysia



Page 1 of 4

Bukti kerajaan giat sedia pendidikan berkualiti

15 inisiatif bantu KPT, graduan laksana program pembangunan pendidikan tinggi, perkasa TVET

Oleh Nas Norziela Nasbah
bhnews@bh.com.my

Kuala Lumpur: Inisiatif menyalurkan dana bagi mempergiat aktiviti penyelidikan dan pembangunan (R&D) pada pembentangan Bajet 2022 membuktikan keprihatinan kerajaan membangunkan pendidikan tinggi negara.

Menteri Pengajian Tinggi, Datuk Seri Dr Noraini Ahmad, berkata Kementerian menyambut baik atas keprihatinan kerajaan memperuntukkan RM14.5 bilion dalam pembangunan pendidikan tinggi.

Katanya, 15 inisiatif bajet yang dibentangkan dalam usaha membantu graduan dan Kementerian Pendidikan Tinggi (KPT) meliputi Perbelanjaan Mengurus berjumlah RM11.5 bilion dan Perbelanjaan Pembangunan berjumlah RM3 bilion.

"Peruntukan ini dapat membantu KPT dan agensi di bawah KPT melaksanakan program pembangunan pendidikan tinggi serta memperkasa Pendidikan dan Latihan Teknikal dan Vokasional (TVET).

"Pemeriksaan bidang TVET dengan peruntukan sebanyak RM6.6 bilion yang turut memanfaatkan pelbagai kementerian dan agensi.

"Di samping itu, tambahan RM200 diperuntukkan bagi prog-

ram usaha sama dengan indus-

tri," katanya.

Menteri Kewangan, Tengku Datuk Seri Zafrul Abdul Aziz, Jumaat lalu mencadangkan KPT menerima peruntukan RM14.5 bilion dalam Bajet 2022.

Ini termasuk inisiatif PerantiSiswa Keluarga Malaysia, iaitu membekalkan sebuah tablet kepada setiap pelajar B40 di institusi pengajian tinggi (IPT).

Inisiatif itu akan memanfaatkan seramai 600,000 mahasiswa daripada keluarga B40 melalui peruntukan RM450 juta.

Noraini berkata, penawaran diskaun bayaran balik pinjaman Perbadanan Tabung Pendidikan Tinggi Nasional (PTPTN) antara 10 hingga 15 peratus bermula 1 November ini hingga 30 April tahun depan akan memberikan manfaat kepada 1.67 juta peminjam PTPTN.

"Selain itu, pelanjutan pemotongan cukai dua kali kepada syarikat yang menawarkan biasiswa kepada pelajar institusi pendidikan tinggi dan diperluas kepada semua bidang pengajian," katanya.

Tambah beliau, insentif memperkenalkan Program e-Start, iaitu pemberian kredit RM150 sekali bayar ke dalam akaun e-dompet belia berusia 18 hingga 20 tahun termasuk pelajar sepenuh masa di IPT.

"Program itu membabitkan peruntukan berjumlah RM300 juta dan dijangka memberikan manfaat kepada lebih 2 juta belia bagi tujuan pembelian berguna seperti buku dan kelengkapan pembelajaran.

"Selain itu terdapat peruntukan RM67 juta bagi menaik taraf talian akses Malaysia Research and Education Network (MyREN) di IPT kepada 500Mbps hingga 10Gbps," katanya.

Beliau berkata, sejumlah RM6.6 bilion disediakan untuk pinjaman pendidikan, menaik taraf program sijil ke diploma, selain melahirkan profesional dalam kalangan Bumiputera dalam bidang perubatan, kejuruteraan dan kewangan di bawah Majlis Amanah Rakyat (MARA), Universiti Teknologi MARA (UiTM) dan Yayasan Peneraju.

Katanya, galakan kepada pihak swasta untuk melaksanakan inisiatif pembayaran elaun sebanyak RM900 kepada pelajar yang menjalani program latihan industri juga diterima baik pihaknya.


"Pelanjutan galakan cukai bagi Program Latihan Industri Berstruktur sehingga tahun taksiran 2025 dan turut diperluas kepada pelajar pada peringkat ijazah sarjana, sijil profesional serta Sijil Kemahiran Malaysia Tahap 1 dan 2.

"Selain itu, Bajet 2022 memperlihatkan inisiatif kerajaan menyediakan insentif kepada majikan yang menggaji perantis lepasan sekolah dan graduan berumur 18 hingga 30 tahun sebanyak RM900 sebulan bagi tempoh enam bulan," katanya.

Noraini berkata, peruntukan RM423 juta di bawah Kementerian Sains, Teknologi dan Inovasi (MOSTI) serta KPT bagi mempergiat aktiviti R&D selari dengan perkembangan sains dan teknologi.

Katanya, peruntukan termasuk RM295 juta kepada universiti awam (UA) berperanan dalam ekosistem penyelidikan dan inovasi serta menggalakkan kerjasama dengan industri.

"Belanjawan 2022 juga memperlihatkan usaha kerajaan memperluas perkhidmatan klinik bergerak kepada hospital pengajar universiti sebagai usaha menambah akses saringan dan pendidikan kesihatan di kawasan



01 NOV, 2021

Bukti kerajaan giat sedia pendidikan berkualiti

Berita Harian, Malaysia



Page 2 of 4

tumpuan.

“Program Pemulihan Dalam Komuniti yang dipelopori Universiti Sains Malaysia (USM) akan diperluaskan pelaksanaannya ke UA lain bermula tahun hadapan.

“Peningkatan kapasiti fasiliti perkhidmatan kesihatan awam sebanyak RM4 bilion untuk pelaksanaan program vaksinasi dan agenda menangani COVID-19 yang turut membabitkan hospi-

tal pengajar universiti.

“Tidak dilupakan penyediaan kemudahan taska di UA sebagai sokongan bagi ibu berkerjaya,” katanya.

Beliau berkata, kerajaan memperuntukkan RM2.9 bilion bagi melaksanakan projek kecil dan sederhana merangkumi selenggara jalan, baik pulih infrastruktur dan peralatan usang UA, politeknik dan kolej komuniti.

Katanya, KPT komited untuk membantu kerajaan dalam agenda pemulihan, pembinaan semula daya ketahanan negara menerusi agenda pendidikan tinggi.

“Peruntukan yang diluluskan bukan sahaja dapat memberikan manfaat kepada pemegang taruh KPT, malah turut dinikmati komuniti dan masyarakat, selaras dengan konsep Keluarga Malaysia dan Wawasan Kemakmuran Bersama 2030,” katanya.



“Peruntukan ini dapat membantu KPT dan agensi di bawah KPT melaksanakan program pembangunan pendidikan tinggi serta memperkasa Pendidikan dan Latihan Teknikal dan Vokasional (TVET)”

Noraini Ahmad,
Menteri Pengajian Tinggi





01 NOV, 2021

Bukti kerajaan giat sedia pendidikan berkualiti

Berita Harian, Malaysia





01 NOV, 2021

Bukti kerajaan giat sedia pendidikan berkualiti

Berita Harian, Malaysia



SUMMARIES

15 inisiatif bantu KPT, graduan laksana program pembangunan pendidikan tinggi, perkasa TVET

bhnews@bh.com.my Kuala Lumpur: Inisiatif menyalurkan dana bagi mempergiat aktiviti penyelidikan dan pembangunan (R&D) pada pembentangan Bajet 2022 membuktikan keprihatinan kerajaan membangunkan pendidikan tinggi negara. Menteri Pengajian Tinggi, Datuk Seri Dr Noraini Ahmad, berkata kementerian menyambut baik atas keprihatinan kerajaan memperuntukkan RM14.5 bilion dalam pembangunan pendidikan tinggi.